



EVANGELISCHE BROEDERGEMEENTE AMSTERDAM ZUIDOOST

Aria Zangdienst op 18 september 2022

Voorganger: Zuster Orsine Blackson

VOORZANG

[melodie: **Amazing grace**]

Wi Masra Gado Jehova! Wi kom, vo prijze joe; wi singi joe Halleluja
vo sani, di joe doe.

Joe meki hemel nanga gron, so leki fa a de. Joe meki moen, joe meki
zon, vo letti alapee.

Joe meki liebisoema toe, wan bigi wroko troe! Ke Masra, fa wi moese
doe. Vo hopo nem vo joe!

BEGROETING / DAGTEKSTEN

[wijze **64 b**]

Ke Helpiman! Wi zwakawan no man vo waka reti. Vo wi kan si, joe
moese gi wi joe krin Gadoletti.

Pee joe no tan, da ogriwan de tranga na wi baka. Ke, tan na wi, no
libi wi, alwasi pee wi waka.

Joe moese tan da tiriman, di tiri wi prakseeri, vo eigen rai en
zondoelai no meki mi kom weri.

We, tan na wi, en gi na wi joe santa Gadoletti! Vo wi kan doe, san
boen na joe, en vo wi waka reti.

De gemeente gaat staan.

Psalm 100

L Heri grontapu, bari fu prisiri gi Masra.

G Aanbegi, nanga barbari fu prisiri.

L Taki tak Masra na Gado
na En meki wi em wi na fu En.
Wi na a pipel fu En di En tiri leki wan skapuman

G Singi wan singi fu gi En grani,
te wi e psa den bigi doro fu En go na ini sei.

L Prijse En te i te wi e kon tapu de pren fu a tempel.
Gi En grani prijse En nen.

G Bika Masra bun, a lobi fu En na fu tego.

L Abow wi kan bow na En tapu na fu alatem
Amen

G Te ai de si, te ala yesi yere, den bigi wroko san wi Gado du, te
luktu krin, te dondru srefi bari, wi fir' Yu glori nanga krakti tu.
Refrein: Dan singi nomo hati gi fu du. Mi Gado fa mi lobi Yu.
Dan singi nomo hati gi fu du. Mi Gado fa mi lobi Yu.

Yu meki Yesus dede na krois'udu. Fu den pikado di grontapu du.
O Gado fa Yu lobi gi wi libi, fa brudu lon fu gi wi Gado fri. [*refrein*]

Now hati krin, now hemel doro opo mi borgu pai mi sondu sondu
k'ba. Apuru frede skreki na grontapu, Yu Winiman, gran tangi mi
Tata. [*refrein*]

De gemeente gaat zitten.

WOORD VOOR DE KINDEREN

[aria 44]

Kom na kerki, mi pikien, jeri Gadotori. Zondoe pori ziel en skin, Jesus
meki wi kom krin, so a leri, sori. Kom na kerki, mi pikien, jeri Gadotori.

Zondeiskolo hopo toe, kali joe vo leri. Sani, di kan helpi joe, disi switi,
boen vo troe, dapee joe sa jeri. Kom na zondeiskolo dan, kom ma,
kom vo leri.

EERSTE SCHRIFTLEZING: Lucas 17:11–19

[aria 96]

Ke, sani tog mi moesoe zoekoe troe, vo finni boen, vo njam wan switi liebi? Da Gadoboekoe piki krin gi joe. We jeri dan da fosisan: "da bribi!" We jeri dan da fosisan: "da bribi, da bribi!" We jeri dan da fosisan: "da bribi!"

En bribi no kan tan vo hem wawan, ma pee hem de, dapee a no ha trobi, vo finni toe da moro bigiwan, di Jesus srefi kali so: "da lobbi".

Ma wan de jete, di de dieri troe, di nanga dem toe fosiwan de knoopoe so wan verbond, di holi doro troe; Joe sabi hem, da derdewan: "da hoopoe?"

We, plani ala drie na hatti dan, vo taki reti: lobbi, hoop en bribi. En teki Jesus leki djariman, dan joe sa finni zaligheid en liebi!

[wijze 115]

Na joe wawan, mi Masra en mi Gado, na joe wawan mi potti mi vertrouw. Joe de mi hoop, mi troost, mi bigi goedoe, mi kragt en helpi toe, te mi kom flauw. Mi finni wan boen liebi troe, mi lobbi Helpiman, di mi kom sabi joe.

TWEEDE SCHRIFTLEZING: Psalm 146

[wijze 416]

Prijze Jehova, joe, o mi zieli! En gi hem glori, gi Hem nem! So langa liebibro mi de fili, mi moese singi, prijze Hem; Da Hem ben gi da liebibro, Vo Hem a moese de nomo. Halleluja! Halleluja!

Blesi, ja blesi vo ibri soema, di Gado de hem Helpiman. Bribi vo hem no sa waai leki skoema. En troostoe nanga hopoe tan; bikasi Gado sabi rai na ala hebi, ala lai. Halleluja! Halleluja!

[aria 68]

Hopo hemel, hopo gron! Ala liebisoema hopo! Hopo staar en moen en zon! Engel srefi, di na tapo! Ala wroko vo hem han: Prijze wi boen Helpiman.

Hopo singi, prijze hem, singi tranga, singi switi! Gi hem eer en bigi nem, taki tangi, fa a fiti. Jonge soema, ouroewan: Prijze wi boen Helpiman.

Prijze hem, di lobbi wi nanga so wan tranga lobbi. Di go doro, ala di wi de gi hem foeloe trobi. Hem, da hattillobbiwan: Prijze wi boen Helpiman.

LIED MET DE ROUWENDEN

[wijze 167 f]

Na grebi wi tanapoe, Haiwatra wi de si; Bikasi a de tapo Wan lobbiwan vo wi. Na hosu now a doro, Pee switi ruste de, A no kan dede moro, Bika a liebi tee.

A weri kroon vo liebi, A tjari palmhan toe, En nanga engel-hipi A prijze Gado troe. Wi de na wakafasi So langa diasu, Tee Gado gi wi pasi, Vo janda wi sa bro.

MEDEDELINGEN

LIED VOOR DE JARIGEN

[aria 69]

Te dem staar na neti hopo, Jje sa man vo teli dem? En dem wolkoe tee na tapo, Dem sa harki na joe stem? We, mi kompe, joe moe sabi, Da grankoni Gado habi Ala tranga de vo hem, Ala tranga de vo hem.

Gado hem de hei en grani, Sakafasi fiti joe. Feti dan, vo doe hem wani, Saka na hem ondro troe. Na hem pasi joe moe waka Na wi Masra Jesus baka, Dan hem no sa liebi joe, Dan hem no sa liebi joe.

INZAMELING VAN DE GAVEN

[aria 72]

Wi diki horo potti dem siri tee na gron. Ma efi wi kan koti? Vo Gado dati kom! A blesi wi so meni, a hopo moen en zon. Na reti tem a seni areen vo nati gron. Alasani doro de boen, di Gado gi. Da hem wi moe gi tangi toe! Hem boen vo troe!

Njanjam en watra nofo a gi wi ibri dei; Bifo wi hopo mofo vo begi - we, a de! Gezondheid a de gi wi En tranga na wi skin; Na neti, te wi sliibi, A wakti hem pikien. Alasani doro de boen, di Gado gi. Da hem wi moe gi tangi toe! Hem boen vo troe!

Wan moro bigi sani wi Masra Gado gi na dem, di doe hem wani: a gi dem Gadofri. A pai da zondoe-boetoe, vo meki wi kom krin. A bai wi nanga broedoe, vo wi tron hem pikien. Alasani doro de boen, di Gado gi. Da hem wi moe gi tangi toe! Hem boen vo troe!

DANK / VOORBEDEN / ONZE VADER

ZEGEN

- L Da genade vo wi Masra Jezus Kristus, en da lobbi vo Gado, en da gemeenskapschap vo Santa Jeje moe de nanga joe,
G nanga ala. Amen.

[wijze 629]

Wan heeli dei ageen wi doro now nanga boen na Masra sei. Ke! efi tog vo hem nomoro wi heeli liebi moese de, so tee wi wroko, ruste, sliibi moe tron wan reti Gadoliebi.

Ke! fa da liebi de so switi na ondro Masra Jezus flei; Alwasi sani wi sa miti, tog Masra tan wi klosibe. Dan ala nootoe nanga tesi, vo troe, wi man vo winni hesi.

We, teki tangi dan, wi Masra, Vo ala boen, di wi ben njam. Wi hangri, vo wi bosu, brasa Joe, wi boenhatti Helpiman; Bikasi troe troe, so a fiti, Da tangi wi no moe vergiti.